

XITATIMENDE XA VUHANGALASAMAHUNGU MAYELANA NA PHUROJEKE YA LADUMA

Tshwane, 7 Nyenyenyani 2025 - Hi ti 9 Mudyaxihi 2024, xiyenge xa Pietermaritzburg xa Khotokulu ya KZN xi nyikile xileriso xo sivela eka SARS mayelana na tinhundzu ta Shandi Trust. Hi Hukuri 2024, xileriso xo sivela xa le tlhelo xi nyikiwile hi Khotokulu ya Durban hi ku yima na SARS ehenhla ka tinhundzu ta 23 ta vatihlamuleri, un'we ku nga Royal AM Football Club ("Xipano"). Shandi Trust na Xipano i mavandla lama xakelanaka, ehansi ka vulawuri bya Mnn Mkhize.

Vhiki leri miahhlulo mimbirhi leyi xakelanaka na swileriso leswi swo sivela yi humesiwile eka Xiyenge xa North Gauteng na Kwa-Zulu Natal, tikhotokulu ta Pietermaritzburg, hayimbirhi yi yimile na SARS.

Hi N'wendzambahala 2024, mufambisi na vurhangeri bya Xipano va burisanile mayelana na xiyimo xa swa timali xa Xipano ku kumisisa loko Xipano xi ta kota ku fikelela swiboho swa yona leswi taka eka swikombamatlangelo swa 2024/25. Endzhaku xa mimbhurusano ya matimba, xiyimo xa swa timali xa Xipano xi hundziseriwile eka National Soccer League ("NSL").

Tanihi mbuyelo wa mitlhontho ya swa timali ta Xipano, hi ti 22 Sunguti 2025, NSL yi yimisile swikombamatlangelo hinkwaswo leswi taka swa Royal AM Football Club.

Hi ti 29 Sunguti 2025, Xipano xi endlile xan'wanchumu ehenhla ka mufambisi, SARS na NSL hi ndlela ya xikombelo xa xihatla. Xikombelo xi lavile leswaku khoto yi lerisa Mufambisi ku humesa papila ra ntshamiseko eka NSL, ku tiyisisa vuswikoti bya swa timali bya Xipano ku hetisa swikombamatlangelo swa yona swa ligi. Xikombelo xi tlhele xi lava ku xopaxopa xiboho xa Mufambisi xo ka a nga humesi papila ra ntshamiseko leswaku a xi twisiseki, a xi twali no pfumala nawu. Hi le tlhelo, Xipano xi komberile khoto ku sindzisa NSL ku pfumelela xipano ku tlanga ligi ya nguva ya bolo leyi nga sala na mitlangu ya Khapu ya Nedbank.

SARS na mufambisi va arile xikombelo xa xihatla. Mhaka yi twiwile hi ti 5 Nyenyankulu 2025 no susiwa eka nongoloko hikwalaho ko pfumala xihatla, na tihakelo.

Khoto yi enerisiwile hi leswaku Xipano xi tsandzekile ku fikelela xikambelwana xa xihatla tanihileswi swi vekisiweke xiswona eka noti ya tirhelo ra khoto. Khoto yi vurile leswaku tinoti ta maendlelo na matirhelo a ti kona ku ti teka; xikombelo xi fanele ku veka timhaka leti kombaka leswaku hikokwalaho ka yini mhaka yi ri ya xihatla. Xihatla a xi tumbuluxiwile hi vini tanihileswi xipano a xi ri eka xiyimo xa khombo ku xakelana na ntsandzeko wa Mufambisi ku nyika papila ra ntshamiseko eka NSL, xi nga se hlawuriwa ku simeka xikombelo xa xihatla. Khoto a yi tirhanangi na swikhedzakhedzani, naswona hikwalaho ka ahlulo wa khoto, Xipano xa ha ta tshama xi yimisiwile eka NSL.

Ahlulo wa le Khotokulu ya Pietermaritzburg mayelana na Shandi Trust, wu bakanyerile etlhelo mpfumelelo wo aphila xiboho xa khoto, na tihakelo. Hi Khotavuxika 2024, Vatshembiwa va yisile xikombelo xa xihatla xo yimisa xileriso xa nsivelo, ku lava ku yimisa Mufambisi ku tirhisa xileriso. Khoto yi susile mhaka eka nongoloko na tihakelo. Vatshembiwa va apherile xiboho xa Khoto. Mpumelelo wo aphila wu bakanyeriwile etlhelo hi ti 6 Nyenyenyani 2025 na tihakelo tanihileswi a ku ri hava kheyisi leyi a yi endliwile hi Vatshembwa mayelana na mpumelelo wo aphila.

Xikongomelokulu xa qhinga xa SARS i ku hlayisa ndhavuko wa nandzeleriso hi ntsakelo. Ku fikelela xikongomelo xexo, SARS yi nyika nhlamuselo na ntiyisiso eka vahakelaxibalo ku fikelela swiboho swa vona swa xinawu. Laha vahakelaxibalo va lavaka ku burisana mayelana na mukhuva wa nkavulandzelelanawu hi ku kongoma, SARS yi ta hlamula hi ku endla nkavulandzelelanawu wolowo wu tika no durha.

Khomixinara wa SARS Edward Kieswetter u hlamurile eka xiendleko lexi hi ku lemuka leswaku *"SARS yi tsakisiwile hi xiboho xa khoto xo susa mhaka eka nongoloko wa khoto hikwalaho ku pfumala xihatla. Vahakelaxibalo va na xiboho xa xinawu mikarhi hinkwayo ku hetisisa leswi handle ka ntsandzeko no tshama va landzelerisana na timhaka ta vona ta xibalo. Swi hlamarisa miehleketo leswaku vahakelaxibalo va ya etikhoto hi ku olova ku ve va honisa eka vutihlamuleri bya vona ku fikelela swiboho swa vona hi khinkhi wo fana. SARS yi hlanganisiwile na nawu ku fambisa nawu handle ka nchavo kumbe tintswalo na ku tiyisisa leswaku vahakelaxibalo hinwavo lava faneleke ku titsarisela, ku fayila no hakela swibalo swa vona va endla tano hi ku olova. Eku tirheni ka xileriso xa hina, SARS yi ta tshama yi tinyiketerile ku tirha hi xinawu na vahakelaxibalo lava endlaka hi xikongomelo xa ntsakelo ku papalata swiboho swa vona. Xiave xa xibalo eku ololoxeni ta mitlhontlho ya tiko ya xihatla yo hakela tiphenxeni, mipandzwa na hakela xikolo, rihanyu xi nge tshikeleriwi ngopfu"*.

SARS yi nge anguli ku ya emahlweni mayelana na mhaka leyi.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za